

大唐西域記卷第十

唐三藏法師玄奘奉詔譯

孰八

大總持寺沙門辯機撰

十七國

伊爛擎鉢伐多國 賚波國

羯朱溫祇羅國

奔那伐潭那國

迦摩縷波國

三摩呾吒國

耽摩衆底國

羯羅擎蘇伐刺那國

恭御陀國

羯鎧伽國

僑薩羅國

案達羅國

駄那羯磔迦國

珠利耶國

達羅毗荼國

秣羅矩吒國

伊爛擎鉢伐多國周三千餘里國大都城北
路死加河周二十餘里稼穡滋植華果具繁
熟八
氣序和暢風俗淳質伽藍十餘所僧徒四千
餘人多學小乘正量部法天祠二十餘所異
道雜居近有隣王廢其國君以大都城持施
衆僧於此城中建二伽藍各減千僧並學小

乘教說一切有部

大城側臨宛伽河有伊爛拏山舍吐煙霞蔽
虧日月古今仙聖繼踵棲神今有天祠尚遵
遺則在昔如來亦嘗居此爲諸天人廣說妙
法大城南有窣堵波如來於此三月說法其

傍則有過去三佛座及經行遺迹之所

三佛經行西不遠有窣堵波是室縷多頻設
底拘胝此言聞二百億舊譯曰億耳謬也苾芻生處昔此城
有長者豪貴巨富晚有繼嗣時有報者輒賜
金錢二百億因名其子聞二百億洎乎成立

未曾履地故其足跖毛長尺餘光潤細軟色
若黃金珍愛此兒備諸玩好自其居家以至
雪山亭傳連隅僮僕交路凡須妙藥遞相告
語轉而以授曾不踰時其豪富如此世尊知
其善根將發也命沒特伽羅子而往化焉既

至門下莫由自通長者家祠曰天毘濕朝時
東向以拜是時尊者以神通力從日輪中降
立於前長者子疑日天也因施香飯而歸其
飯香氣遍王舍城時頻毗婆羅王駁其異馥
命使歷問乃竹林精舍沒特伽羅子自長者

家持來因知長者子有此奇異乃使召焉長者承命思何安步泛舟鼓棹有風波之危乘車馭象懼蹠蹶之患於是自其居家至王舍城鑿渠通漕流滿於子御舟安止長絇以引至王舍城先禮世尊世尊告曰頻毗婆羅王命使召汝無過欲見足下毛耳王欲觀者宜結跏坐伸脚向王國法當死長者子受佛誨而往引入廷謁王欲視毛乃跏趺坐王善其有禮特深珍愛亦既得歸還至佛所如來是時說法誨喻聞而感悟遂即出家於是精勤

修習思求果證經行不捨足遂流血世尊告曰汝善男子在家之時知鼓琴耶曰知若然者以此爲喻絃急則聲不合韻絃緩則調不和雅非急非緩其聲乃和夫修行者亦然急則身疲心急緩則情舒志逸承佛指教奉以周旋如是不久便獲果證

執八

三

國西界宛伽河南至小孤山重巒聳峯昔佛於此三月安居降薄向羅藥叉山東南巖下大石上有佛坐跡入石寸餘長五尺二寸廣二尺一寸其上則建窣堵波焉次南石上則

有佛置捨稚迦即漢瓶也舊軍持訛名也 跡深寸餘作

至瞻波國中印度境

八出華文佛坐跡東南不遠有薄匱羅藥叉
腳跡長尺五六寸廣七八寸深減二寸藥叉
跡後有石佛坐像高六七尺次西不遠有佛
經行之處其山頂上有藥叉故室次北有佛

瞻波國周四十餘里國大都城北背碗伽河
周四十餘里土地墊濕稼積滋盛氣序溫暑
風俗淳質伽藍數十所多有傾毀僧徒二百
餘人習小乘教天祠二十餘所異道雜居

足跡長尺有八寸廣於六寸深可半寸其跡
上有窪堵波如來昔日降伏藥叉令不殺人
食肉敬受佛戒後行生天此西有溫泉六七
所其水極熱國南界大山林中多有野象其
形偉大從此順碗伽河南岸東行三百餘里

都城壘甃其高數丈基址崇峻却敵高險在
昔劫初人物伊始野居穴處未知宮室後有
天女降迹人中遊碗伽河灌流自媚感靈有
娠生四子焉分瞻部洲各擅區宇建都築邑
封疆畫界此則一子之國都瞻部洲諸城之

始也

城東百四五十里宛伽河南水環孤嶼崖巒
崇峻上有天祠神多靈感鑿崖爲室引流成
沼華林奇樹巨石危峯仁智所居觀者忘返
國南境山林中野象猛獸羣遊千數自此東

行四百餘里至羯朱溫祇羅國

波俗或謂羯羅國中

印度
第十八
行四百餘里至羯朱溫祇羅國

居自數百年王族絕嗣役屬隣國所以城郭
丘墟多居村邑故戒日王遊東印度於此築
宮理諸國務至則葺茅爲宇去則縱火焚燒
國南境多野象北境去宛伽河不遠有大高
臺壘甃石而以建焉基址廣峙刻彫奇製周
其方面鏤衆聖像佛及天形區別而作自此
東渡宛伽河行六百餘里至奔那伐彈那國

羯朱溫祇羅國周二千餘里土地泉濕稼穡

豐盛氣序溫風俗順敦尚高才崇貴學藝伽
藍六七所僧徒三百餘人天祠十所異道雜

中印度境
奔那伐彈那國周四千餘里國大都城周三
十餘里居人殷盛池館華林往往相間土地

卑濕稼穡滋茂般穰婆果既多且貴其果大如冬瓜熟則黃赤剖之中有數十小果大如鶴卵又更破之其汁黃赤其味甘美或在樹枝如衆果之結實或在樹根若伏苓之在土氣序調暢風俗好學伽藍二十餘所僧徒三

號八

五

千餘人大小二乘兼功綜習天祠百所異道

雜居露形尼乾實繁其黨

城西二十餘里有跋始婆僧伽藍庭宇顯敞臺閣崇高僧徒七百餘人並學大乘教法東印度境碩學名僧多在於此其側不遠有窣

堵波無憂王之所建也昔者如來三月在此爲諸天人說法之處或至齋日時燭光明其側則有四佛座及經行遺跡之所去此不遠復有精舍中作觀自在菩薩像神鑒無隱靈應有徵遠近之人絕粒祈請自此東行九百

餘里渡大河至迦摩縷波國

東印度境

迦摩縷波國周萬餘里國大都城周三十餘里土地泉濕稼穡時播般穰婆果那羅雞羅果其樹雖多彌復珍貴河流湖陂交帶城邑氣序和暢風俗淳質人形卑小容貌黧黑語

言少異中印度性甚獘暴志存強學宗事天
神不信佛法故自佛興以迄于今尚未建立
伽藍招集僧侶其有淨信之徒但竊念而已
天祠數百異道數萬

今王本那羅延天之祚胤婆羅門之種也字

婆塞羯羅伐摩

此言日肖號拘摩羅童子

自據疆

土奕葉君臨逮於今王歷千世矣君上好學
衆庶從化遠方高才慕義客遊雖不淳信佛
法然敬高學沙門初聞有至那國沙門在摩
揭陀那爛陀僧伽藍自遠方來學佛深法殷

懃往復者再三未從來命時尸羅跋陀羅論
師曰欲報佛恩當弘正法子其行矣勿憚遠
涉拘摩羅王世宗外道今請沙門斯善事也
因茲改轉福利弘遠子昔起大心發弘誓願
孤遊異域遺身求法普濟含靈豈徒鄉國宜
忘得喪勿拘禁辱宣揚聖教開導羣迷先物
執六後身忘名弘法於是辭不獲免遂與使偕行
而會見焉拘摩羅王曰雖則不才常慕高學
聞名雅尚敢事延請曰寡能褊智猥蒙流聽
拘摩羅王曰善哉慕法好學顧身若浮踰越

重險遠遊異域斯則王化所由國風尚學今印度諸國多有歌頌摩訶至那國秦王破陣樂者聞之久矣豈大德之鄉國耶曰然此歌者美我君之德也拘摩羅王曰不意大德是此國人常慕風化東望已久山川道阻無由自致曰我大君聖德遠洽仁化遐被殊俗異域拜闕稱臣者衆矣拘摩羅王曰覆載若斯心冀朝貢今戒日王在羯朱溫祇羅國將設大施崇樹福慧五印度沙門婆羅門有學業者莫不召集今遣使來請願與同行於是遂

往焉此國東山阜連接無大國都境接西南夷故其人類蠻獠矣詳問土俗可兩月行入蜀西南之境然山川險阻障氣氛沴毒蛇蟲草爲害滋甚國之東南野象群暴故此國中象軍特盛從此南行千二三百里至三摩呾

孰八

七

吒國

東印境

三摩呾吒國周三千餘里濱近大海地遂卑濕國大都城周二十餘里稼穡滋植華果繁茂氣序和風俗順人性剛烈形卑色黑好學勤勵邪正兼信伽藍三十餘所僧徒二千餘

人並皆遵習上座部學天祠百所異道雜居
露形尼乾其徒特盛去城不遠有窣堵波無
憂王之所建也昔者如來爲諸天人於此七
日說深妙法傍有四佛座及經行遺迹之所
去此不遠伽藍中有青玉佛像其高八尺相
好圓備靈應時効從此東北大海濱山谷中
有室利差呾羅國次東南大海隅有迦摩浪
迦國次東有憊羅鉢底國次東有伊賞那補
羅國次東有摩訶贍波國即此云林邑是也
次西南有閻摩那洲國凡此六國山川道阻

不入其境然風俗壤界聲問可知自三摩呾
吒國西行九百餘里至耽摩栗底國東印度境

耽摩栗底國周千四五百里國大都城周十
餘里濱近海陸土地卑濕稼穡時播華果茂
盛氣序溫暑風俗躁烈人性剛勇邪正兼信
伽藍十餘所僧衆千餘人天祠五十餘所異
道雜居國濱海隅水陸交會奇珍異寶多聚
此國故其國人大抵殷富城側窣堵波無憂
王所建也其傍則有過去四佛座及經行遺
迹之所自此西北行七百餘里至羯羅拏蘇

伐刺那國

東印度境印

羯羅拏蘇伐刺那國周四千四五百里國大都城周二十餘里居人殷盛家室富饒土地卑濕稼穡時播衆華滋茂珍異繁植氣序調暢風俗淳和好尚學藝邪正兼信仰伽藍十餘所僧徒二千餘人習學小乘正量部法天祠五十餘所異道實多別有三伽藍不食乳酪遵提婆達多遺訓也

大城側有絡多未知僧伽藍此言赤壁庭宇顯敞臺閣崇峻國中高才達學聰敏有聞者咸集

其中警誠相成琢磨道德初此國未信佛法時南印度有一外道腹銅鍼首戴明炬杖策高步來入此城振擊論鼓求欲論義或者問曰首腹何異曰吾學藝多能忍腹拆裂悲諸愚闇所以持照時經旬日人無問者詢訪髦彥莫有其人王曰合境之內豈無明哲客難不酬爲國深耻宜更營求訪諸幽隱或曰大林中有異人其自稱曰沙門強學是務今屏居幽寂久矣于茲非夫體法合德何能若此者乎王聞之已躬往請焉沙門對曰我南

印度人也客遊止此學業庸淺恐黜所聞敢
承來旨不復固辭論義無負請建伽藍招集
僧徒光讚佛法王曰敬聞不敢忘德沙門受
請往赴論場外道於是誦其宗致三萬餘言

其義遠其文約包含名相網羅視聽沙門一

九

八

聞究覽辭義無謬以數百言辯而釋之因問
宗致外道辭窮理屈杜口不酬既折其名負
耻而退王深敬德建此伽藍自時厥後方弘
法教

伽藍側不遠有窣堵波無憂王所建也在昔

如來於此七日說法開導其側精舍過去四
佛座及經行遺迹之所有數窣堵波並是如
來說經法之處無憂王之所建也從此西南
行七百餘里至烏茶國東印度

度印

烏茶國周七十餘里國大都城周二十餘里

土地膏腴穀稼茂盛凡諸果實頗大諸國異
草名華難以稱述氣序溫暑風俗犷烈人貌
魁梧容色黧黑言辭風調異中印度好學不
倦多信佛法伽藍百餘所僧徒萬餘人並皆
習學大乘法教天祠五十所異道雜居諸窣

堵波凡十餘所並是如來說法之處無憂王之所建也

國西南境大山中有補澀波祇釐僧伽藍其石窟堵波極多靈異或至齋日時燭光明故諸淨信遠近咸會持妙華蓋競修供養承露

槃下覆鉢勢上以華蓋筭置之便住若礎石同前此二窟堵波者神鬼所建靈奇若斯國東南境臨大海濱有折利呾羅城此言發行周二十餘里入海商人遠方旅客往來中止之

路也其城堅峻多諸奇寶城外鱗次有五伽藍臺閣崇高尊像工麗南去僧伽羅國二萬餘里靜夜遙望見彼國佛牙窪堵波上寶珠光明離離然如明炬之懸燭也自此西南大林中行千二百餘里至恭御陀國東印度境

恭御陀國周千餘里國大都城周二十餘里濱近海隅山阜嶺嶙土地墊濕稼穡時播氣序溫暑風俗勇烈其形偉其貌黑粗有禮義不甚欺詐至於文字同中印度語言風調頗有異焉崇敬外道不信佛法天祠百餘所異

道萬餘人國境之內數十小城接山嶺據海
交城既堅峻兵又敢勇威雄隣境遂無強敵
國臨海濱多有奇寶螺貝珠璣斯爲貨用出
大青象超乘致遠從此西南入大荒野深林

巨木千霄蔽日行千四五百里至羯餽伽國

風則頗與中印度異焉少信正法多遵外道
伽藍十餘所僧徒五百餘人習學大乘上座
部法天祠百餘所異道甚衆多是尼乾之徒
也

羯餽伽國在昔之時民俗殷盛肩摩轂擊舉

南印
座境

羯餽伽國五千餘里國大都城周二十餘
里稼穡時播華果具繁林數聯綿動數百里
出青野象隣國所奇氣序暑熱風俗躁暴性
多狷曠志存信義言語輕捷音調質正辭旨
城南不遠有窣堵波高百餘尺無憂王之所

建也傍有過去四佛座及經行遺迹之所國境北陲大山嶺上有石窣堵波高百餘尺是劫初時人壽無量歲有獨覺於此入寂滅焉自此西北山林中行千八百餘里至憍薩羅

國中印度境

憍薩羅國周六千餘里山嶺周境林藪連接國大都城周四十餘里土壤膏腴地利滋盛色里相望人戶殷實其形偉其色黑風俗剛猛人性勇烈邪正兼信學藝高明王刹帝利也崇敬佛法仁慈深遠伽藍百餘所僧徒減

萬人並皆習學大乘法教天祠七十餘所異道雜居城南不遠有故伽藍傍有窣堵波無憂王之所建也昔者如來曾於此處現大神通摧伏外道後龍猛菩薩止此伽藍時此國王號娑多婆訶此言引正珍敬龍猛周衛門廬時

提婆菩薩自執師子國來求論義謂門者曰幸為通謁時門者遂為入白龍猛雅知其名咸滿鉢水命弟子曰汝持是水示彼提婆提婆見水默而投針弟子持鉢懷疑而返龍猛曰彼何辭乎對曰默無所說但投針於水而

已龍猛曰智矣哉若人也知幾其神察微亞
聖盛德若此宜速命入對曰何謂也無言妙
辯斯之是歟曰夫水也者隨器方圓逐物清
濁彌漫無間澄湛莫測滿而示之比我學之
熟入
智周也彼乃投針遂窮其極此非常人宜速
+二
召進而龍猛風範凜然肅物言談者皆伏抑
首提婆素挹風徽久希請益方欲受業先騁
機神雅懼威嚴昇堂僻坐談玄永日辭義清
高龍猛曰後學冠世妙辯光前我惟衰耄遇
斯俊彥誠乃寫瓶有寄傳燈不絕法教弘揚

伊人是賴幸能前席雅談玄奧提婆聞命心
獨自負將開義府先遊辯囿提振辭端仰視
質義忽覩威顏忘言杜口避坐引責遂請受
業龍猛曰復坐今將授子至真妙理法王誠
教提婆五體投地一心歸命曰而今而後敢
聞命矣龍猛菩薩善閑藥術餐餌養生壽年
數百志貌不衰引正王既得妙藥壽亦數百
王有稚子謂其母曰如我何時得嗣王位母
曰以今觀之未有期也父王年壽已數百歲
子孫老終者蓋亦多矣斯皆龍猛福力所加

藥術所致菩薩寂滅王必徂落夫龍猛菩薩智慧弘遠慈悲深厚周給羣有身命若遺汝宜往彼試從乞頭若遂此志當果所願王子恭承母命來至伽藍門者驚懼故得入焉時龍猛菩薩方讚誦經行忽見王子佇而謂曰執八十三今夕何夕降趾僧坊若危若懼疾驅來至對曰我承慈母餘論語及行捨之士以爲舍生實命經誥格言未有輕捨報身施諸求欲我慈母曰不然十方善逝三世如來在昔發心逮乎證果勤求佛道修習戒忍或投身飼獸

或割肌救鵠月光王施婆羅門頭慈力王飲餓藥又血諸若此類尤難備舉求之先覺何代無人今龍猛菩薩篤斯高志我有所求人頭爲用招募累歲未之有捨欲行暴劫殺則罪累尤多虐害無辜穢德彰顯惟菩薩修習聖道遠期佛果慈霑有識惠及無邊輕生若浮賤身如朽不違本願垂允所求龍猛曰渝誠哉是言也我求佛聖果我學佛能捨是身如響是身如泡流轉四生往來六趣宿契弘誓不違物欲然王子有一不可者其將若何

我身既終汝父亦喪顧斯爲意誰能濟之龍
猛徘徊顧視求所絕命以乾茅葉自刎其頸
若利劍斷割身首異處王子見已驚奔而去
門者上白具陳始末王聞哀感果亦命終國
西南三百餘里至跋邏末羅者釐山此言黑參炭

莊嚴唯飾金寶從山高峯臨注飛泉周流重
閣交帶廊廡疎寮外穴明燭中宇初引正王
建此伽藍也人力疲竭府庫空虛功猶未半
心甚憂感龍猛謂曰大王何故若有憂負王
曰輒運大心敢樹勝福期之永固待至慈氏
功績未成財用已竭每懷此恨坐而待旦龍
猛曰勿憂崇福勝善其利不窮有興弘願無
憂不濟今日還宮當極歡樂後晨出遊歷覽
山野已而至此平議營建王旣受誨奉以周
旋龍猛菩薩以神妙藥滴諸大石並變爲金

王遊見金心口相賀迴駕至龍猛所曰今日
畋遊神鬼所惑山林之中時見金聚龍猛曰
非鬼惑也至誠所感故有此金宜時取用濟
成勝業遂以營建功畢有餘於是五層之中
各鑄四大金像餘尚盈積充諸帑藏招集千
僧居中禮誦龍猛菩薩以釋迦佛所宣教法
及諸菩薩所演述論鳩集部別藏在其中故

九拘胝此言金錢其後僧徒忿諍就王平議
時諸淨人更相謂曰僧徒諍起言議相乖凶
人伺隙毀壞伽藍於是重關反拒以擯僧徒
自爾已來無復僧衆遠矚山巖莫知門徑時
引善醫方者入中療疾蒙面出入不識其路
從此大林中南行九百餘里至案達羅國印南境度
十五案達羅國周三千餘里國大都城周二十餘
里號瓶耆羅土地良沃稼穡豐盛氣序溫暑
風俗猛暴語言辭調異中印度至於文字軌

則大同伽藍二十餘所僧徒三千餘人天祠三十餘所異道實多

瓶耆羅城側不遠有大伽藍重閣層臺製窮剖劙佛像聖容麗極工思伽藍前有石窣堵波高數百尺並阿折羅此言所行阿羅漢之所建

也所行羅漢伽藍西南不遠有窣堵波無憂王之所建也如來在昔於此說法現大神通度無量衆

所行羅漢伽藍西南行二十餘里至孤山山嶺有石窣堵波陳那此言童投菩薩於此作因明

論陳那菩薩者佛去世後承風染衣智願廣大慧力深固愍世無依思弘聖教以爲因明之論言深理廣學者虛功難以成業乃匿迹幽巖棲神寂定觀述作之利害審文義之繁約是時崖谷震響煙雲變采山神捧菩薩高數百尺唱如是言昔佛世尊善權導物以慈悲心說因明論綜括妙理深究微言如來寂滅大義泯絕今者陳那菩薩福智悠遠深達聖旨因明之論重弘茲曰菩薩乃放大光明照燭幽昧時此國王深生尊敬見此光明相

疑入金剛定因請菩薩證無生果陳那曰吾入定觀察欲釋深經心期正覺非願無生果也王曰無生之果衆聖攸仰斷三界欲洞三明智斯盛事也願疾證之陳那是時心悅王

第十八
十六
請方欲證受無學聖果時妙吉祥菩薩知而駁那羯磔迦國周六千餘里國大都城周四十餘里土地膏腴稼穡殷盛荒野多邑居少氣序溫暑人貌黧黑性猛烈好學藝伽藍鱗次菴廬已甚存者二十餘所僧徒千餘人並多習學大眾部法天祠百餘所異道實多城東據山有弗婆勢羅東山僧伽藍城西據

惜焉欲相警誡乃彈指悟之而告曰惜哉如何捨廣大心爲狹劣志從獨善之懷棄兼濟之願欲爲善利當廣傳說慈氏菩薩所製瑜伽師地論導誘後學爲利甚大陳那菩薩敬受指誨奉以周旋於是覃思沉研廣因明論

猶恐學者懼其文微辭約也乃舉其大義綜其微言作因明論以導後進自茲已後宣暢瑜伽盛業門人有知當世從此林野中南行千餘里至駁那羯磔迦國亦謂大安達還國南印度境

八

山有阿伐羅勢羅此言僧伽藍此國先王爲

西山

佛建焉莫川通徑疏崖崎閣長廊步簷枕巖接岫靈神警衛聖賢遊息自佛寂滅千年之

十七

內每歲有千凡夫僧同入安居罷安居日皆

十七

證羅漢以神通力陵虛而去千年之後凡聖

同居自百餘年無復僧侶而山神易形或作
豺狼或爲猿狼驚恐行人以故空荒闐無僧
衆城南不遠有大山巖婆毗陀伽此言論師
住阿素洛宮待見慈氏菩薩成佛之處論師
雅量弘遠至德深邃外示僧侶之服內弘龍

猛之學聞摩揭陀國護法菩薩宣揚法教學
徒數千有懷談議杖錫而往至波吒釐城知
護法菩薩在菩提樹論師乃命門人曰汝行
詣菩提樹護法菩薩所如我辭曰菩薩宣揚
遺教導誘迷徒仰德虛心爲日已久然以宿
願未果遂乖禮謁菩提者誓不空見見當
有證稱天人師護法菩薩謂其使曰人世如
幻身命若浮渴日勤誠未遑談議人信往復
竟不會見論師旣還本土靜而思曰非慈氏
成佛誰決我疑於觀自在菩薩像前誦隨心

陀羅尼絕粒飲水時歷三歲觀自在菩薩乃現妙色身謂論師曰何所志乎對曰願留此身待見慈氏觀自在菩薩曰人命危脆世間浮幻宜修勝善願生覩史多天於斯禮觀尚速得見論師曰志不可奪心不可貳菩薩曰若然者宜往駛那羯磔迦國城南山巖執金剛神所至誠誦持執金剛陀羅尼者當遂此願論師於是往而誦焉三歲之後神乃謂曰伊何所願若此勤勵論師曰願留此身待見慈氏觀自在菩薩指遣來請成我願者其在

神乎神乃授祕方而謂之曰此巖石內有阿素洛宮如法行請石壁當開開即入中可以待見論師曰幽居無覩詐知佛興執金剛曰慈氏出世我當相報論師受命專精誦持復歷三歲初無異想呪芥子以擊石巖壁豁而洞開是時百千萬衆觀覩忘返論師跨其戶而告衆曰吾久祈請待見慈氏聖靈警祐大願斯遂宜可入此同見佛興聞者怖駭莫敢履戶謂是毒蛇之窟恐喪身命再三告語唯有六人從入論師顧謝時衆從容而入之

既已石壁還合衆皆怨嗟恨前言之過也自

此西南行千餘里至珠利耶國

南印度境

珠利耶國周二千四五百里國大都城周十
餘里土野空曠藪澤荒蕪居戶寡少羣盜公

行氣序溫暑風俗姦兇人性獢烈崇信外道
伽藍頽毀粗有僧徒天祠數十所多露形外
道也

城東南不遠有窣堵波無憂王之所建也如
來在昔嘗於此處現大神通說深妙法摧伏
外道度諸天人

城西不遠有故伽藍提婆菩薩與羅漢論義
之處初提婆菩薩聞此伽藍有溫咀羅

此言上

阿羅漢得六神通具八解脫遂來遠尋觀其
風範既至伽藍投羅漢宿羅漢少欲知足唯
置一牀提婆既至無以爲席乃聚落葉指令

就

十九

就坐羅漢入定夜分方出提婆於是陳疑請
決羅漢隨難爲釋提婆尋聲重質第七轉已
杜口不酬竊運神通力徃覩史多天請問慈
氏慈氏爲釋因而告曰彼提婆者曠劫修行
賢劫之中當紹佛位非爾所知宜深禮敬如

彌指頃還復本座乃復抑揚妙義剖析微言
提婆謂曰此慈氏菩薩聖智之釋也豈仁者
所能詳究哉羅漢曰然誠如來旨於是避席
禮謝深加敬歎從此南入林野中行千五六
百里至達羅毗茶國

南印度

達羅毗茶國周六千餘里國大都城號建志
補羅周三十餘里土地沃壤稼穡豐盛多華
果出寶物氣序溫暑風俗勇烈深篤信義高
尚博識而語言文字少異中印度伽藍百餘
所僧徒萬餘人並皆遵學上座部法天祠八

十餘所多露形外道也如來在世數遊此國
說法度人故無憂王於諸聖迹皆建窣堵波
建志補羅城者即達磨波羅此護法言菩薩本生
之城菩薩此國大臣之長子也幼懷雅量長
而弘遠年方弱冠王姬下降禮筵之夕憂心
慘悽對佛像前慇懃祈請至誠所感神負遠
遁去此數百里至山伽藍坐佛堂中有僧開
戶見此少年疑其盜也更詰問之菩薩具懷
指告因請出家衆咸驚異遂允其志王乃宣
命推求遐邇乃知菩薩神負遠塵王之知也

增深敬異自染衣已篤學精勤令問風範語
在前記

城南不遠有大伽藍國中聰叡同類萃止有

窣堵波高百餘尺無憂王所建也如來在昔
於此說法摧伏外道廣度人天其側則有過

去四佛座及經行遺迹之所自此南行三千

餘里至秣羅矩吒國亦謂枳
因南印度境

秣羅矩吒國周五千餘里國大都城周四十
餘里土田渴鹵地利不滋海諸珍多聚此
國氣序炎熱人多黧黑志性剛烈邪正兼崇

不尚遊藝唯善逐利伽藍故基實多餘址存
者既少僧徒亦寡天祠數百外道甚衆多露
形之徒也

城東不遠有故伽藍庭宇荒蕪基址尚在無
憂王弟大帝之所建也其東有窣堵波崇基
已陷覆鉢猶存無憂王之所建立在昔如來
於此說法現大神通度無量衆用彰聖迹故
此標建歲久彌神所願或遂

國南濱海有秣刺耶山崇崖峻嶺洞谷深澗
其中則有白檀香樹栴檀竹葵樹樹類白檀

不可以別唯於盛夏登高遠矚其有大蛇盤者於是知之猶其木性涼冷故蛇盤也既望見已射箭爲記冬蠻之後方乃採伐竭布羅香樹松身異葉華果斯別初採旣濕尚未有香水乾之後修理而析其中有香狀若雲母色如冰雪此所謂龍腦香也

林刺耶山東有布呴洛迦山山徑危險巖谷峽傾山頂有池其水澄鏡派出大河周流繞山二十而入南海池側有石天宮觀自在菩薩往來遊舍其有願見菩薩者不顧身命厲

水登山忘其艱險能達之者蓋亦寡矣而山下居人祈心請見或作自在天形或爲塗灰外道慰喻其人果遂其願從此山東北海畔有城是往南海僧伽羅國路聞諸土俗曰從此入海東南可三千餘里至僧伽羅國

執師此言

子非印度之境

大唐西域記卷第十

音釋

蹠	足底也	蹕	蹕蹕都年切仆也	簪	簪	簪
鑿	宜金切	簪	簪徐呂切山	鑿	鑿乃可	鑿
鑿	鑿山高貌	嶼	嶼在水中也	鑿	鑿謨	鑿
鑿	還切南壁	也	也	也	也	也
鑿	虛皓切夷獠也	咤	咤唶當割切固	鑿	鑿古暮切	鑿
鑿	也	咤	咤陟嫁切金猶牢固	鑿	鑿	鑿
鑿	與涉切	咤	咤郎突切黠吐敢	鑿	鑿	鑿
鑿	鰐也	咤	咤黠黑色也	鑿	鑿	鑿
鑿	狂也	駁	駁力膺	鑿	鑿	鑿
鑿	惡也	駁	駁膺	鑿	鑿	鑿
鑿	七安切	駁	駁所駁也	鑿	鑿	鑿
鑿	餌仍史	駁	駁幅	鑿	鑿	鑿
鑿	吞食也	峩	峩魚及切	鑿	鑿	鑿
鑿	他朗切	峩	峩所峩也	鑿	鑿	鑿
鑿	金	峩	峩峭七肖切	鑿	鑿	鑿
鑿	猿	峩	峩峻也	鑿	鑿	鑿
鑿	就切	峩	峩于元切炕竿	鑿	鑿	鑿
鑿	猿	峩	峩炕並獸	鑿	鑿	鑿
鑿	並獸	峩	峩	鑿	鑿	鑿

永樂北藏

大唐西域記

第一五一冊